



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐ

Հ Ր Ա Մ Ա Ն



ԹԻՎ 622

ԸՆՏԱՆԻՔՈՒՄ ԲՈՒՆՈՒԹՅԱՆ ԿԱՆԽԱՐԳԵԼՄԱՆ ԵՎ ԸՆՏԱՆԻՔՈՒՄ ԲՈՒՆՈՒԹՅԱՆ ԵՆԹԱՐԿՎԱԾ ԱՆՁԱՆՑ ՊԱՇՏՊԱՆՈՒԹՅԱՆ ԲՆԱԳԱՎԱՌՈՒՄ ՈՍՏԻԿԱՆՈՒԹՅԱՆ ԻՐԱՎԱՍՈՒ ԾԱՌԱՅՈՂՆԵՐԻ ՎԵՐԱՊԱՏՐԱՍՏՈՒՄ ԱՆՑՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ

«Ոստիկանությունում ծառայության մասին» ՀՀ օրենքի 16-րդ հոդվածի 4-րդ կետի, «Ընտանիքում բռնության կանխարգելման, ընտանիքում բռնության ենթարկված անձանց պաշտպանության և ընտանիքում համերաշխության վերականգնման մասին» ՀՀ օրենքի 15-րդ հոդվածի 1-ին մասի 1-ին և 6-րդ կետերի համաձայն

Հ Ր Ա Մ Ա Յ ՈՒ Մ ԵՄ

1. Հաստատել ընտանիքում բռնության կանխարգելման և ընտանիքում բռնության ենթարկված անձանց պաշտպանության բնագավառում ոստիկանության իրավասու ծառայողների վերապատրաստում անցնելու կարգը՝ համաձայն հավելվածի:

2. Սույն հրամանն ուժի մեջ է մտնում հրապարակմանը հաջորդող օրվանից և գործում է մինչև «Հայաստանի Հանրապետության ներքին գործերի նախարարության ծառայողների և աշխատակիցների վերապատրաստում անցնելու կարգը սահմանելու մասին» Հայաստանի Հանրապետության ներքին գործերի նախարարի հրամանն ուժի մեջ մտնելը:

ՎԱԿԵ ՂԱԶԱՐՅԱՆ

«21» // 2023թ.
ք. Երևան

Հավելված

Հայաստանի Հանրապետության
ներքին գործերի նախարարի
«21» 11 2023թ.
թիվ 62-Լ հրամանի

ԿԱՐԳԸ

ԸՆՏԱՆԻՔՈՒՄ ԲՈՒՆՈՒԹՅԱՆ ԿԱՆԽԱՐԳԵԼՄԱՆ ԵՎ ԸՆՏԱՆԻՔՈՒՄ ԲՈՒՆՈՒԹՅԱՆ ԵՆԹԱՐԿՎԱԾ ԱՆՁԱՆՑ ՊԱՇՏՊԱՆՈՒԹՅԱՆ ԲՆԱԳԱՎԱՌՈՒՄ ՈՍՏԻԿԱՆՈՒԹՅԱՆ ԻՐԱՎԱՍՈՒ ԾԱՌԱՅՈՂՆԵՐԻ ՎԵՐԱՊԱՏՐԱՍՏՈՒՄ ԱՆՑՆԵԼՈՒ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն հրամանով սահմանվում է ընտանիքում բռնության կանխարգելման և ընտանիքում բռնության ենթարկված անձանց պաշտպանության բնագավառում ոստիկանության իրավասու ծառայողների վերապատրաստում (այսուհետ՝ վերապատրաստում) անցնելու կարգը:

2. Հայաստանի Հանրապետության ներքին գործերի նախարարության ոստիկանության ստորաբաժանումների ղեկավարները պատասխանատու են վերապատրաստման աշխատանքներն արդյունավետ և որակյալ կազմակերպելու համար:

3. Վերապատրաստման կազմակերպման մեթոդական ղեկավարումը և վերահսկումն իրականացվում է Հայաստանի Հանրապետության ներքին գործերի նախարարության ոստիկանության կադրային քաղաքականության վարչության կողմից:

4. Հայաստանի Հանրապետության ներքին գործերի նախարարության ոստիկանության ստորաբաժանումներում վերապատրաստման կազմակերպումը և մեթոդական ապահովումն իրականացնում է տվյալ ստորաբաժանումում կադրային ապարատի կամ կադրային աշխատանքների համար պատասխանատու ծառայողի /աշխատակցի/ կողմից:

2. ՎԵՐԱՊԱՏՐԱՍՏՄԱՆ ԿԱԶՄԱԿԵՐՊՈՒՄԸ

5. Վերապատրաստում կազմակերպելու նպատակով ոստիկանության կառուցվածքային ստորաբաժանումների կադրային ապարատի ծառայողների կամ կադրային աշխատանքների համար պատասխանատու ծառայողի /աշխատակցի/ կողմից կադրային քաղաքականության վարչության պահանջով կազմվում են վերապատրաստման ենթակա ոստիկանության իրավասու ծառայողների /այսուհետ՝ ծառայողների/ ցուցակները և ներկայացվում են կադրային քաղաքականության վարչություն՝ Հայաստանի Հանրապետության ներքին գործերի նախարարության ոստիկանության պետ – ներքին գործերի նախարարի տեղակալի հրամանով վերապատրաստման ժամանակացույցը հաստատելու համար:

6. Սույն կարգի 5-րդ կետով նախատեսված հրամանով հաստատվում է նաև ուսումնական հաստատությունը, որտեղ անցկացվելու են վերապատրաստման դասընթացները, սահմանվում են վերապատրաստման ենթակա ծառայողների թվաքանակը, ուսումնական խմբի նվազագույն քանակը և ուսուցման ժամկետները:

7. Վերապատրաստում անցնող ծառայողների համար ընտանիքում բռնության կանխարգելման և ընտանիքում բռնության ենթարկված անձանց պաշտպանության և անմիջականորեն սպառնացող վտանգի գնահատման չափորոշիչների թեմաների ուսուցման ժամկետները, բովանդակությունը որոշվում են ուսումնական պլաններով ու առարկայական ծրագրերով, որոնք մշակում է համապատասխան ուսումնական հաստատությունը՝ ուստիկանության շահագրգիռ ստորաբաժանումների հետ համատեղ:

8. Վերապատրաստման ուսումնական պլանները հաստատվում են Հայաստանի Հանրապետության ներքին գործերի նախարարի տեղակալի կողմից, իսկ վերապատրաստման առարկայական ծրագրերը՝ ուստիկանության ուսումնական հաստատության ղեկավարի կողմից:

9. Վերապատրաստման գործուղվող ծառայողի հետ մինչև ուսումնական հաստատություն գործուղելը կնքվում է վերապատրաստման համար պետության կատարած ծախսերի փոխհատուցման պայմանագիր՝ ՀՀ կառավարության 2003թ. հունվարի 16-ի թիվ 111-Ն որոշման համաձայն:

10. Վերապատրաստում չեն անցնում՝

1) այն ծառայողները, որոնք հեռակա ուսուցման ձևով սովորում են ասպիրանտուրայում, դոկտորանտուրայում, ներքին գործերի նախարարության ուսումնական հաստատություններում.

2) այն ծառայողները, որոնց ուստիկանությունում ծառայության սահմանային տարիքը լրանալուն մնացել է 3 տարվանից պակաս ժամանակ.

3) այն կին ծառայողները, որոնք ունեն մինչև 3 տարեկան երեխա:

3. ՎԵՐԱՊԱՏՐԱՍՏՄԱՆ ԱՎԱՐՏԸ ԵՎ ՀԱՇՎԱՌՈՒՄԸ

11. Վերապատրաստման դասընթացներն ավարտած ծառայողին տրվում է սահմանված նմուշի վկայական, որի ձևը հաստատված է ՀՀ ուստիկանության պետի 18.04.2003թ. թիվ 380-Ա հրամանով:

12. Վերապատրաստման դասընթացների բացասական արդյունքների դեպքում ծառայողի լրացուցիչ վերապատրաստման դասընթացին մասնակցելու, զբաղեցրած պաշտոնում հետագա ծառայությունը շարունակելու նպատակահարմարության կամ այլ ծառայություն տեղափոխման հարցը քննարկվում է ծառայողին պաշտոնի նշանակելու իրավասություն ունեցող պաշտոնատար անձի կողմից, կառուցվածքային ստորաբաժանման պետի պատճառաբանված զեկուցագրի հիման վրա:

13. Վերապատրաստման դասընթացները հաշվառվում են ատեստատով, հաշվառման մատյանով և էլեկտրոնային եղանակով՝ «Կադրեր» ինֆորմացիոն համակարգի միջոցով: